



# Il mas-chalch da Sent

Publicaziuns officialas. Cumpara seguond bsögn.

2003/2005

no. 42

7554 Sent, 21 november 2005 / rz

---

## Atenziun - Ingüna radunanza cumünala als 23 november 2005

Cun quai chi's ha dad eleger be amo üna part dal Cussagl da scoula (II scrutin), vain la radunanza dals 23 november 2005 clomada giò. Quista tractanda vain spostada ed integrada illa radunanza dal preventiv chi varà lö in december. Nus giavüschain da tour a cogniziun.

### Il Cussagl cumünal

## Transit d'inviern in Val Sinestra

A regard il transit d'inviern in Val Sinestra vain praticchè sco d'ürant ils ons passats, in rondond attent sül scumond da transit dals 27 december 1978 dal Cussagl cumünal e sül decret dal Departamaint da giustizia e pulizia chantunal dals 1. favrer 1979.

### Scumond

Dals 1. december fin als 30 avrigl esa scumondà da transir cun veiculs a motor sülla via Sent – Sinestra. Il scumond vala davent da l'ür dal god Vaschnuogls/Vita-Parcours fin pro'l Kurhaus Val Sinestra. Surpassamaints da quist scumond vegnan chastiat in basa als artichels 20 e 30 da la ledscha stradala. Quist scumond es gnü publichà i'l Fögl uffizial dal chantun Grischun dals 16 favrer 1979.

- Il signal no. 2.01 "Scumond general per trafic cun veiculs a motor" es piazzà a l'ür dal god.
- Avant la Val Vallatscha es impü montada üna barriera.
- Üna barriera es a l'ür dal god.
- In cas da privel da lavinas sun da resguardar las directivas e masüras dal servezzan da lavinas dal cumün da Sent.
- 

Per traffichar faja dabsögn d'ün permiss special dal cumün. I vain montada suot il scumond general üna tabla "exclus cun permiss special dal Cumün". Permiss specials tschüffan be personas chi han üna incumbensa i'l hotel Sinestra. Tuot ils giasts ston gnir transportats davent da Sent tras l'hotel. Surpassamaints dal **scumond general** vegnan a partir da quist inviern chastiat.

### Il Cussagl cumünal

## Avis a reg. allontanar saivs electricas

Tenor art. 32 da l'uorden champester ston tuottas saivs electricas chi sun gnüdas fattas sün terrain privat e cumünal gnir allontanadas d'ürant il temp d'inviern. Our da quel motiv sun quellas da **levar per la fin da november 2005**.

Sch'inchün nu vess da seguir a quist appell, vain levà da Cumün oura a cuosts da quel chi ha invlidà d'allontanar la saiv. **Atenziun:** Quist avis vale air per elna e per chal. Eventuals d'ens chi subaintren van a

Per plaschair allontanar eir quels.

## **Il schef da god, pas-ch e pauraia**

### **Avis a reg. rumir naiv da/per privats**

Illa sezzüda dals 4 december 1996 ha discus il Cussagl cumünal a regard tscherchar üna soluziun pel möd da rumir la naiv per privats. In vista cha quista fatschenda nun es daltuot simpla a regard trar tscherts cunfins, ha decis il Cussagl cumünal da metter quist avis aint il Mas-chalch:

1. Id es admiss da rumir plazzas privatas sün vias cumünalas, scha la naiv vain palada sün via avant, il plü tard al mumaint, cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al schef da strada;
3. In nun es admiss, davo cha'l Cumün ha rumi las vias, da rumir naiv da terrain privat sün vias cumünalas. A quel chi surpassa quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur inviern, per evitar dons in connex culla rumida da naiv.

## **Il Cussagl cumünal**

### **Deponia La Fuorcha**

Cur chi vain la naiv resta la deponia **serrada** ufficialmaing **fin davo Pasqua**.

In cas urgiants e scha'l stadi da la via d'access fin pro la deponia permetta, as po passar per la clav in büro cumünal. L'avertüra ufficiala dal 2006 vain comunicada aint il Mas-chalch.

Chi chi ha amo clavs per rivir la barriera da la deponia dess far il bain da tillas restituir fin a la fin da l'on 2005.

## **Il Cussagl cumünal**

### **Il bazar da la società da duonnas**

ha lö als **27 november 2005 a las 13.30 in chasa cumünala**. No vain fat bels arrandschamaints da Nadal, cranzins d'Advent, bleras lavurs da man. Natüralmaing daja ün'ingiavinera ed üna stüva da caffè cun bunas tuortas e panins. No lain far attent, cha no fain eir stinvs sün postaziun.

Giiven e vegl es amiaivelmaing invidà. Grazcha fich ouravant per vos sustegn e per vossa numerusa cumparsa.

## **La società da duonnas**

### **Advent pels attempats**

Eir quist on organisescha la società da duonnas ün davomezdi d'Advent per quellas persunas da las annadas 1935 e plü veglias (da 70 amunt). La data es gnüda fixada sün **dumengia, 11 december 2005**, a las 14.00 illa chasa Misoch.

I'ns fess grond plaschair scha tuot quellas persunas gnissan a nossa marena.

**Annunzchas** piglia incunter Annatöna Pult, tel. 081/864 86 82 opür Vreni Buchli, tel. 081 864 06 77, fin il plü tard als **7 december 2005**.

## **La società da duonnas**

Gövgia, als **15 december 2005** a las 12.00 i'l restorant Chasa Veglia. Annunzchas piglia incunter dna. Erica Clalüna, tel. 081 / 864 07 59.

**Jörg Büchel, rav.**

## **Predgina**

Pels uffants da la scoulina e lur fradgliuns plü pitschens. Mincha **venerdì** fin als 16 december da las **17.00 – 18.00** in chasa da pravenda. Istorgias d' Advent, gös e zambriar pel Advent. Manà da rav. Jörg Büchel in cooperaziun cun confirmadAs.

## **Predgetta**

Pels uffants da la scoula primara. Mincha **mardi** fin als 20 december da las **17.00 - 18.00** in chasa da pravenda. (Be il di dal **Niculaus** es la predgetta fingià **lündeschdi**, als **5 december**). Manadras: duonna Ladina Vuilleumier (Cussagl da baselgia) e duonnas da Sent.

**La Pravenda evangelica**